

SSM - sindicat svizzer da medias - gruppa Cuir

Statuts

Art. 1 num e lieu

1. Il SSM gruppa Cuir è ina societad tenor art. 60ss. dal cudesch civil svizzer.
2. En il SSM gruppa Cuir èn organisadas collavuraturas da RTR e dal Bündner Journal da SR DRS. Collavuraturas dad autras unitads d'interpresa da la SSR SRG idée suisse cun lieu da lavur Cuir pon medemamain daventar commember/commembra dal SSM gruppa Cuir.
3. Il SSM gruppa Cuir appartegna al sindicat svizzer da medias (SSM). Ils statuts dal SSM èn obligants per la gruppa.
4. Il domicil dal SSM gruppa Cuir è Cuir.

Art. 2 finamiras ed incumbensas

1. La finamira dal SSM è da defender ils interess materials, professionals, socials e culturalis da ses commembers/sias commembras.
2. Il SSM gruppa Cuir ademplescha surtut las suandantas incumbensas:
 - proteger e gidar ils commembers/las commembras
 - s'engaschar en dumondas dal contract collectiv, resguardond ils problems ed interess locals
 - represchentar la gruppa en ils gremis naziunals dal SSM
 - exequir lavurs administrativas en l'interess dal SSM gruppa Cuir
 - recrutar novAs commembers/-bras.

Art. 3 commembranza

1. Tut ils/las collavuraturas da RTR, dal Bündner Journal SR DRS e dad autras unitads d'interpresa da la SSR SRG idée suisse cun lieu da lavur Cuir han il dretg da daventar commembers/-bras dal SSM gruppa Cuir.
2. L'entrada succeda cun l'annunzia en scrit a la suprastanza dal SSM gruppa Cuir. Mintga commember/-bra nova survegn ils statuts dal SSM naziunal e dal SSM gruppa Cuir, plinavant in attest da commembranza.
3. La commembranza po vegnir refusada, sche quai è en l'interess dal SSM. En dumondas da conflict decida la suprastanza naziunala definitivamain.

Art. 4 extrada

1. Commembers/-bras dal SSM pon demissionar sulettamain per la fin da l'onn chalendar. L'extrada ha da vegnir communitgada en scrit a la suprastanza dal SSM grappa Cuir il pli tard fin ils 30 da zercladur. Il termin da desditga da sis mais po vegnir reduci excepziunalmain da la suprastanza.
2. Extradas collectivs n'èn betg lubidas.
3. InA commember/-bra che ha demissionà sto era pajar la contribuziun durant il temp da la desditga.

Art. 5 exclusiun

1. InA commember/-bra po vegnir exclusA, sche eLLA ha cunterfatg massivamain als statuts dal SSM u a decisiuns dals organs responsabels.
2. L'exclusiun vegn decidida da la suprastanza da la grappa.
3. InA commember/-bra exclusA po recurrer entaifer 30 dis tar la suprastanza naziunala. ELLA dastga sa defender senza avant quest gremi. La decisiun da la suprastanza naziunala è definitiva.
4. Durant la procedura da recurs n'ha la persuna pertutgada nagins dretgs da commember/-bra.

Art. 6 contribuziuns

1. Per savair ademplir las incumbensas statuaras incassa il SSM da ses commembers e da sias commembras contribuziuns ordinaris ed extraordinarias.
2. La contribuziun ordinaria è fixada en ils statuts centrals dal SSM.
3. Per cuvrir expensas extraordinarias po il congress (che ha lieu mintga 4 onns) resp. la radunanza da delegadAs dal SSM decider davart contribuziuns extraordinarias.
4. Sch'inA commember/-bra n'ha betg pajà entaifer sis mais sia contribuziun, senza ch'eLLA haja dumandà ina prolungaziun dal termin, perda eLLA tut ils dretgs envers il SSM.

Art. 7 prestaziuns individualas

1. Il SSM garantisce a ses/sias commembers/-bras las suandantas prestaziuns: Protecziun ed agid al post da lavur; cussegliaziun ed assistenza en dispitas da dretg che stattan en connex cun la lavur.
2. Ils detagls èn fixads en il reglament dal SSM davart l'assistenza giuridica.

Art. 8 organs

Ils organs dal SSM gruppa Caira èn:

1. la votaziun primara
2. la radunanza generala
3. la suprastanza
4. ils/las revisurAs da quint

Art. 9 la votaziun primara

1. L'istanza suprema da la gruppa è la totalitad dals/da las commembers/-bras che s'expriman en la votaziun primara. En dumondas che pertutgan sulettamain ils/las commembers/-bras da RTR resp. dal Bündner Journal SR DRS pon sulettamain ils/las commembers/-bras che lavuran tar RTR resp. tar il Bündner Journal da SR DRS prender decisiuns.
2. Ad ina votaziun primara pon vegnir suttamessas:
 - las decisiuns da la radunanza generala
 - dumondas che vegnan suttamessas dals organs naziunals dal SSM, da la suprastanza da la gruppa u da la radunanza generala.
3. La votaziun primara sto vegnir organisada entaifer 4 emnas suenter la decisiun correspudenta da la radunanza generala.
4. Ina votaziun primara po vegnir pretendida:
 - en dumondas che pertutgan tut ils/las commembers/-bras: d'in tschintgavel dals/da las commembers/-bras. En dumondas che pertutgan mo ils/las commembers/-bras che lavuran tar RTR resp. tar il Bündner Journal SR DRS: d'in tschintgavel dals/da las commembers/-bras correspudentAs.
 - da la radunanza generala
 - da la suprastanza
5. La dumonda per ina votaziun primara sto vegnir inoltrada en scrit a la suprastanza. Quella è responsabla per l'organisaziun da la votaziun primara entaifer 30 dis.

6. La suprastanza è responsabla per l'execuziun correcta da la votaziun primara. Tut ils/las commembers/-bras cun dretg da vuschar survegnan il text da la proposta che è vegnì agiuntà a la dumonda per ina votaziun primara.
7. La votaziun è secreta. Ella po era vegnir realisada per via da corrispondenza.
8. Schebain ina proposta vegn acceptada u refusada, decida la maioritad simpla. Tar ina paritad da las vuschs vala la proposta sco refusada.

Art. 10 la radunanza generala

1. La radunanza generala è il pli aut organ da la gruppa. Ella ha surtut las suandantas incumbensas:
 - elecziun da la suprastanza, dal president u da la presidenta, dallas revisuras da quint ed eventualmain da substitutas
 - conferma dalla secretaria da la gruppa
 - elecziun dallas represchentantas en la conferenza da branscha naziunala
 - elecziun dallas represchentantas en la radunanza da delegadas naziunala
 - approvaziun dals statuts da la gruppa
 - decisiun davart il rapport annual ed il quint annual
 - decisiun davart il preventiv
 - decisiun davart propostas dals/da las commembers/-ras e da la suprastanza
 - decisiun davart propostas per mauns da la radunanza da delegadas naziunala
 - schliaziun da la gruppa (la decisiun finala en questa dumonda ha tenor art. 19 al. 4 dals statuts centrals dal SSM la radunanza da delegadas naziunala)
2. La radunanza generala vegn organisada mintg'onn entaifer ils emprims quatter mais. Radunanzas generalas extraordinarias han lieu sin dumonda da la suprastanza u d'in tschintgavel dals/da las commembers/-bras.
3. L'elecziun dalla presidenta e dallas ulteriuras commembers/-bras da la suprastanza po succeder per scrutini, sche quai vegn giavischè d'inA commember/-bra.
4. Tar elecziuns e votaziuns vala la maioritad simpla.

Art. 11 la suprastanza

1. La suprastanza vegn elegida da la radunanza generala per 2 onns. Ses/sias commembers/-bras pon vegnir reelegidas.

2. La suprastanza sa cumpona d'almain 5 commembers/-bras, maximalmain da 7. La cumposiziun da la suprastanza reflectescha pli u main las partiziuns da RTR resp. dal Bündner Journal SR DRS.
3. Il/la presidentA vegn elegì/elegida da la radunanza generala or dal ravugl da la suprastanza.
4. La suprastanza elegia inA secretariA da la gruppa. Quella sa participescha cun vusch consultativa a las radunanzas da la suprastanza. Ella exequescha las decisiuns da la suprastanza. Il secretariat da la gruppa maina il register dals/da las commembers/-bras ed incassescha las contribuziuns.

Art. 12 duairs e cumpetenzas da la suprastanza

1. La suprastanza sa constituescha sezza cun excepziun da l'incarica dal president.
2. Il/la presidentA maina la radunanza generala. Ella è responsabel/-bla ch'ils statuts vegnian respectads e procura che las decisiuns da la radunanza generala vegnian exequidas. Ella convochescha la suprastanza e preschenta il rapport annual.
3. Sch'il/la presidentA è absentA, procura la suprastanza per inA substitutA.
4. La suprastanza procura per l'administraziun da las finanzas tenor las directivas da l'administraziun centrala dal SSM. Ella preschenta il quint annual ed il preventiv. Ella incumbensescha il/la secretariA da la gruppa d'incassar las contribuziuns.
5. La suprastanza ha las suandantas incumbensas:
 - convocar la radunanza generala
 - decider davart las delegaziuns en autras organisaziuns u en lur radunanzas
 - decider davart ils represchentants en cumissiuns pariteticas u gruppas da lavur
 - preschentar il rapport annual ed il quint annual
 - decider davart expensas en il rom dal preventiv
 - ademplir tut las incaricas che n'èn betg l'incumbensa da la radunanza generala
6. Plinavant s'occupa la suprastanza da
 - dumondas dal contract collectiv
 - dumondas da l'organisaziun
 - dumondas da la furmaziun
 - dumondas da l'infurmaziun

Art. 13 cumissiun da dunnas

Per dumondas specificas da dunnas po ina cumissiun da dunnas vegnir fundada. Ella sa constituescha sezza. Ella ha il dretg d'inoltrar dumondas e giavischs a tut ils gremis da la gruppa.

Art. 14 revisurAs da quint

1. Il quint annual vegn controllà da duAs revisurAs da quint. QuellAs vegnan elegidAs da la radunanza generala, mintgamai per ina legislatura da dus onns. EllAs preschantan a la radunanza generala lur rapport dal quint annual.
2. La radunanza generala po acceptar il quint annual sulettamain suenter avair prendì conuschientscha dal rapport dals/da las revisurAs da quint.

Art. 15 organ da publicaziun

1. La suprastanza infurmescha regularmain ils/las commembers/-bras da la gruppa.
2. Ils/las commembers/-bras da la gruppa survegnan era ils organs da publicaziun dal SSM naziunal.

Art. 16. remartgas finalas

1. Per midadas dals statuts dovri ina maioritad da 2/3 da quellAs che èn preschentAs a la radunanza generala. Las propostas per las midadas previsas ston vegnir communitgadas cun l'invid a la radunanza generala.
2. Per schliar la gruppa dovri ina maioritad da 3/4 da tut ils/las commembers/-bras da la gruppa.
3. En dumondas che n'èn betg regladas specificamain en ils statuts da la gruppa Cuir valan automaticamain ils statuts dal SSM naziunal.
4. Quests statuts èn vegnids acceptads da la radunanza generala dals 17 da mars 2005. Els van en vigur immediatamain.

SSM gruppa Cuir
Ruedi Bruderer
president

Marlene Leupi
actudara